

كشـف حـضـور

أنا قلبي مش كاتبك
ليه الليله دي غياب
مع انه ولا شافك
ولا جيتي عند الباب
انا منه بستغرب
لأنه مش نصاب
طب قولي يا قلبي
ورد ليا جواب
هو انت بتداري
ولا أنت ليك أسباب
لحبيبي بتطبل
ولا انت شوفت سراب
متقول بقي يا قلبي
دا أنا و انت مش أغراب

رَد عليا و قال
انا يا ابني مش مجنون
انا عشت عمري شباب
جوايا خير و عمار
و الود للأحباب
و حضوره دا إحساس
مش نحو و لا إعراب
و حتي لو عندي
كشف حضور و غياب
حبيبي باستمرار
جوايا ليل و نهار
يبقي إن كتبتة حضور
عمري ما اكون كداب